

Ekwo-ozì K'ẹbo,
 Jìọnu
 Deru

¹ Ẹkwo-ozì ọwa-a shì l'ẹka mụbe onye e meru ọgerenya Chìochì. Onye mu ede iya anụ bụ eze-nwanyị ono, Chileke họtaru ono yẹ ndibe iya, bụ ndu mu yeru obu; opfu lẹ mu l'ẹphe tükowaru bya amaru ọkpobe-opfu ono. Mbụ-a; ọ tọ bükwa mbẹdua nwẹkinìyì mu yeru iya obu ọbu. Iphe, bükotakpoo ndu mawaru ọkpobe-opfu ono yekotakwaru iya phọ obu. ² Noo kẹle ọkpobe-opfu ono buwa anyi ebubu l'ẹhu. Ọ bụru g'oo-buwarurọ bụ ono; swiru anyi jasụ lẹ tuutuutu lẹ mịmìimìi.

³ Gẹ Chileke, bụ Nna yẹ Nwa iya, bụ Jizọsu Kéreshì meeru anyi eze-iphe-ọma; phụaru anyi obu-imemini; mee gẹ nchì dū anyi doo g'anyi gude ire-lanụ mẹ eye obu tğba bụru nanụ g'anyi tğbaru iya.

Ọkpobe-opfu waa eye-obu

⁴ Ẹhu tsọshikporu mu ọtso ike gẹ mu haru hụma ndibe ngu; ndu ọphu eme ọkpobe-opfu ono gẹ Nna sụru g'anyi meje iya. ⁵ Nta-a bụ iphe, mu arwọ gube eze-nwanyị bụ ọwa-a: unu g'anyi yee nwibe anyi obu. Ọ tọ bükwa lẹ mu ederu ngu ekemu ọphúú; ọ kwa ọphu anyi natahawaru eshikpọ lẹ mbụ ono, bụ iya bụ g'anyi yee nwibe anyi obu. ⁶ Wakwa iphe, bụ n-yemobu baa: g'anyi mejeẹpho iphe, ọ tųru l'ekemu. Wakwanụ iphe, bụ ekemu baa: g'unu yeje nwibe unu obu, bụ iya bụ iphe ono, unu nұmaru e -shì lẹ mbụ ono.

⁷ Lẹ-a; ndu egudeje ẹregede dephua nemadzụ dukwaa igwerigwe; wufu dzuru ẹkameka lẹ mgboko; ndu jìkaru lẹ Jizọsu byaru-a bya abụru nemadzụ eviya lẹ mgboko-a.

Ēgube onye ono bu onye obu, egudeje ẹregede dephua nemadzu; teme o bu ru iya bu onye-achi-nta-Kereshi obu. ⁸ Iphe unu a-kwaberupho onwunu enya iya bukwa g'unu te eme g'iphe ono, unu jeru ozi iya ono nahu unu; tuphahu ke mmanu. Unu kwaberu onwunu enya; k'ophu unu a-natadzuchia obunggo iya anatazdu.

⁹ Onyemonye, ete emejedu iphe ono, Kereshi ziru ono g'o ziru iya; onye ono be yele Chileke atugbakwaru bu ru nanu. Onye emekwanu iphe ono, Kereshi ziru ono; o nodu emerwue ya pho l'oke; onye ono be yele Chileke waa Nwa iya, bu Jizosu tugbaakwaru bu ru nanu. ¹⁰ Mbua; o -duru onye byapfutaru unu; ophu o budu iphe ono, e ziru anyi ono be o gude bya; unu ta asujekpokaanu onye ono: oshi adu; ophu unu ekelekpokwaa ya nu ekele. ¹¹ L'onye suru onye ono oshi-adu be yee ya dukwaa ebo gbaru l'ejo-iphe, oome.

¹² Mu nweru ikpoto iphe, mu gege ederu unu; ole o to budu ekwo yee mini-ekwo be mu e-gude degbuaru unu g'o du mu; iphe, mu arichia bu le mu akpapfutachia unu; anyi l'unu abogbawaro l'onu onwanyi; g'ehu atsokwanu-a anyi tsoku l'ishi.

¹³ Ndibe nwanna ngu nwanyi, bu onye Chileke hotaru l'ekekwa ngu pho. Nokwa g'o du.

Bayıburu Izii
Izii: Bayıburu Izii Bible

copyright © 2014 Wycliffe Bible Translators, Inc.

Language: (Izii)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 30 Dec 2021 from source files dated 30 Dec 2021

c6885c7c-c550-5b8b-a4fe-4bd714af4f6d